



居竹軒詩集卷之二

律詩五言

上丞相朶兒只國王

浙江

太祖開中國元臣起朔方八荒歸版籍千
 載際明良奕世兼茅土聞孫列廟堂白麻
 新命相紫誥舊封王鏤玉為符契鎔金作
 印章既徵扶社稷仍資理陰陽遼海風塵
 靜梁園艸木芳精忠存北闕化澤被南荒
 翠織龍衣密黃封密酒香三吳歌盛美百



辟仰輝光士已歌麟趾人爭覩鳳凰小儒
狂斐在有頌維甘棠

瑞麟圖 至正己丑夏五月麟出
泰興縣張村之民蠶死之縣尹為
君寫為圖請以賦之

麟也嗟如此天乎涕獨零江間消間氣天
上尖机星異瑞遵三代嘉祥冠四靈拳孿
宛馬足彷彿野麇形高塚雲猶白空林草
自青無由歌一角宜尔壽千齡同本時方

驗歸和世未聽東川唐故事西狩魯遺經
謾託犁牛子虛期紫鳳翎羨茲賢令尹見
此古儀形畫擬功臣閣書歸太史銘觀風
有使者還與上明廷

題劉孝子傳後泰州海陵縣劉子
彬性孝友與諸弟隱居讀書畊以
為養曲盡其道親喪塋葬有異色
蛇見又產連理木人以為孝感狀
元陳祖仁記其事司業江存禮因

作劉孝子傳為題其後

好在劉真士家居海上村義風今益振德
望老逾尊譙國讀書裔吳陵孝友門白頭
共子職粉骨恋親恩養志兼甘旨承歡適
清溫難况復難弟賢子更賢孫聯綵香凝
席鳴埴酒湍樽秋田分黍稷曉柵散雞豚
忽抱終天恨同招九地魂苦淡忘夜寢飭
粥廢朝飧手澤疑如在音容儼若存斷雲
丹旆遠良夜添燈昏眷鍾隨傭作衣裳積
泪痕異蛇成五色嘉樹托孤根活水流芳
澤新塋啟慶源已終喪次禮猶奉夢中言
善行能相感鄉評未易論名應動冠冕心
不愧乾坤芝草秋猶盛荆花晚更繁門閭
待旌表會見薄夫敦

奉題李秋谷手章存日寄其叔父

李同知安書後兼叙其寔

秋谷文章在清風四十年先朝真宰相平
地舊神仙逸氣雲霄上榮光雨露邊印章

封一品楮幣賜三千憂國惟心切
臣時見節全回咨還內藏知足契
皇天憶自攀龍去曾如抱虎眠
過家期上塚謝病請歸田
繼父何時會安書遠道傳喜者
親族貴仍願弟兄賢妙畫何森君
真情亦靄然封緘題日月光彩照
山川未數甘棠笏宜書汗竹編子
孫須寶秘什襲永綿

王彥芳御史所居之堂曰繡榮諸
公詩題卷末

上國疏恩重中臺拜命初
兩朝司內府十載奉宸居
輔歷叅謀選俄膺御史除
天機織文綺月姊繡華裾
儼多冠偏稱麒麟錦不如
羽標金鸞鷲蒼隱玉芙蓉
六轡青驄馬雙輪白鷺車
胎蟠五色線腹藁萬言書
被服身何忝弥縫志必攄
芬芳流簡冊光彩照門閭
退戶香烟裊垂簾化日舒
小山蹲怪石活水灌清渠
昆季年皆妙公卿駕不虛
謾誇貂作帽寧羨豹為祛
庭訓言猶

在鄉情禮未踈每蒙招宴集詎肯棄樵漁
鶉結漸無褐蝸藏僅有廬深期換朝服紫
帶映金魚

賦長律廿二韵題吳江郭州判索

送謝太守詩卷

持節吳江日分符攜李辰雙螭交赤幟五
馬挾朱輪凍雨連清道靈風動洒塵字民
親若子破敵捷如神水寺題詩遍田家問
俗頻鶯苔茗雪曉烟澍洞庭春是處歌龔

遂連城借寇恂湖山當大郡封壤接比隣
在昔京都富于今府庫貧三苗空剝地百
粵阻通津赤縣傷凋瘵蒼生受苦辛髓枯
膚未剝病亟氣難伸畫省持衡鑑烏臺列
縉紳談兵旒辯士獻策尚從人間世才難
得如公孰與倫撫時先愷悌起廢莫因循
城築工尤大田毛賦必均燼餘驅瓦礫兵
後剪荆榛惠化仍多舉禎祥或可臻鑄錢
資國費賑粟散倉陳和氣隨天轉輿情與

日新斐章書令德史筆待詞臣

故湖州路同知中憲部公子敬挽
章

昔日趨烏府君年正黑頭家承今闕閱世
出古諸侯夙有登車志仍多為國謀濟湖
陳上策平寇借前籌澤國波瀾息蠻江霧
雨收遙知鷹隼擊曾與鳳凰遊跋跬三千
里勤勞五十秋臺評通北闕士論溢南州
廣海綏南服湘潭控上游三司勞贊畫兩

縣起歌謳別駕恩初下朝堂禮更優上書
終告老拂袖即歸休樂矣陶潛酒漂然范
蠡舟春田茗水近夏屋弁山幽潔以蘭為
佩輕堪竹作兜兒官從此大孫孝復何憂
一日音容隔郡公涕泗流西軒情脉脉東
勝夢悠悠芝室人千古蒼蹊土一杯明公
發潛德勒石表林丘

題郭行簡照磨所有具慶堂詩十
六韻

上國疏恩重高堂衍慶新世當清化日家
有白頭親綺席團圞處朱門富貴春兒孫
紛滿眼夫婦敬如賓偕老期千載生年並
八旬閭儀仍肅々庭訓尚諄々食舉齊眉
案花簪折角巾賢郎登仕版碩德動朝紳
盛事諧占鳳佳辰紀紱麟同稱壽觴滿聯
舞綵衣頻斲雪供青笋開冰出錦鱗孝心
應盡力祿養必殊倫自古稱三樂于今復
幾人芬芳流簡冊光彩照鄉鄰京兆看前

輩汾陽恐後身明年兩封爵頌誥下楓宸
送郭仲安貢察院

捧檄上京華清才素共誇封章不起草健
筆自生蒼燕市千金馬天河八月槎看君
冠獬豸好為觸姦邪

登多景樓懷唯心上人

憑高望不極多景復多愁落日隨天轉空
江入海流漁樵何處老兵甲幾時休却憶
唯心叟題詩在上頭

六月八日

世事今如此吾生可奈何海東仍盜賊穎
上復干戈苦兩朝逾急陰風夜轉多白頭
無策對酒獨悲歌

送潘仲明醫諭之泰興

舟行三百里直到縣門前不請居官俸多
收賣藥錢年豐沙米賤江近網魚鮮莫起
歸來與于今令尹賢

劉莊

劉莊久不到草澍鬱蒼々野艇買瓜果村
坊羅酒漿水生沙井淺潮上鹵田荒時共
西清老登高望夕陽

曉出錢塘門

出門聊造意草澍碧紛々一雨破清曉四
山生白雲僧樓緣嶺出樵迳過橋分明日
重携酒來澆和靖坟

齋居

曉起坐終日無人扣竹扉柿因風落早菊

為雨開遲稚子能賒酒隣翁許借詩白頭
無別計空負聖明時

登望江亭

長江不可極岸幘獨登臨潮信自朝暮山
光無古今碑亭流水涸輦路積苔深欲寫
興亡恨西風萬葉吟

寄吳寅甫

山館殘卷歇江樓暮雨餘長歌留客和短
札倩人書露葉懸青蔓風簾隱碧梧夫君

隔河漢涼夜月生初

寄慈溪普天澤監懸

聞說慈溪縣官閑地更偏兩潮來海錯六
月刈山田曉塔天童寺春帆日本船何時
瓊樹底花夕醉婵娟

秋夜雜詠三首

對酒不能飲燈前笑又悲轉頭都覺謬對
面莫相疑白髮無休日青天有壞時微酣
且熟寐一任老夫痴

其二

平居在城市無夢傍江湖世事有今日生
年猶故吾檢書逢越絕引曲感吳趨隣叟
邀皆醉歸來不用扶

其三

世俗今多事人心此一時風塵吾道在江
海我生悲白日終難繫青山不可移吾方
飲吾酒君自着君棊

賦林泉民

群居傍城郭獨汝向林泉
亂世知誰在荒
只自憐白雲棲晚澗
流水界秋田亦有催
租吏敲門橫索錢

和謝雪坡太守東阡道中二首

上相深求治明公獨愛民
三江不用武兩
郡且行春隴麥連村好
池秧得雨頻數州
飄泊者來此避風塵

其二

淮楚紛、際誰憐老逸民
一為吳郡客三

見洞庭春世路間關久侯門接納頻麻衣
猶似雪不敢浣緇塵

龐山湖泛舟過甯伯讓庄所

湖上足清晝雨餘生綠陰扁舟到城近曲
港入村溪野叟頻相問即君不可尋西菴
肯分席吾亦老山林

寄愚隱智東堂

落日太湖上歸舟又磧沙百年同是客兩
寺即為家老竹仍多笋枯藤也自蒼何時

結茅屋相伴老烟霞

垂虹亭晚坐

長橋戎馬後旂幟尚紛々吳越東西隔江
湖左方分荒哉皮學士去矣范將軍誰種
千頭橘空山卧白雲

送陶教授

亂世兵猶滿崇文禮自寬青雲摠朝士白
髮且儒冠首宿先迎日臯比不受寒婁江
足雙鯉好々寄平安

舟中晝寢

篷牕坐春雨偏與睡相宜
襟被支頭穩茶甌破夢遲
昔年為客慣今日晫吾衰
無限滄洲意令人有所思

送葉以誠歸金華

亂世兵雖滿吾儒氣自伸
黃金贈說客白壁聘從人
念子真才俊嗟余豈隱淪
向來稽古學留以奉君親

題慶雲東竹水居

水光當戶白竹色上衣青
風露涵虛室江湖入淨瓶
林梢閑挂錫月影靜翻經
止觀何聞見秋聲出香冥

秋日遊虎丘逢徑山元上人

黃葉澍層々茲遊記昔曾
到山疑是夢出寺忽逢僧
短薄荒祠酒生公舊塔燈
苗詩駭浮俗山鬼也多能

寄安國長老慈雲谷

慈公卓錫處臺殿舊經行
惡竹何多俗旅

松只自清步回春雨作定起夜潮生我亦
逃禪者山林老弟兄

以張仲舉韻送毅景中任長蘆寺
二載詩就答仲舉

被旨辭京闕還家復遠途行吟頭戴笠跌
坐膝穿蘆佛國傳宗鏡王門得視珠西來
祖師意先爾設伊蒲

吾亦怜吾竹蕭然只數竿多生遺病俗獨

汝竟心安五月秋聲早千山雨氣寒裁詩
謝張祐歲晚好相看

送李斯立

南國風塵滿西江道路難鄉人問家信津
吏識儒冠短髮何由黑孤心只自丹放歌
聊縱酒努力且加餐

次韻雪詩

閉門三日雪竹外轉蕭然夜色侵書幌春
寒壑篆烟詩題名彥後酒讓老夫先一箇

袁高士風流五伯年

夜過吳江宿于聖壽中復中行方
丈

溪夜扣禪扃天寒月在庭鳥驚棲後澗僧
掩讀殘經蔓草風吹白枇杷雪洗青對床
聽法語心孔愈惺

登靈岩山

木杪見浮圖盤一徑迂倚岩苗客坐過
嶺倩人扶野色平如削湖光淡欲無殘碑

不可讀春草沒雙趺

送澄上遊浙東

浙水東邊寺禪房處家千崖無虎豹二
月已鶯花晚飯天童笋春泉雪竇茶煩詢
夢堂叟面壁幾年華

又

浙水西邊寺天寒子獨經雪山當戶白雲
澗入湖青虎跡泉頭見猿聲石上聽俊公
中立坐煩爾候禪扃

向遊龍井過南天竺登二老亭曾
賦二詩

二老題詩處風流不再逢客歸黃葉兩僧
住白蓮峯誰謂山無鳳人傳井有龍白頭
江海上今夕寄行蹤

三月廿五日過上洋十六保徐居

士柯莊二首

野水明春色晴沙帶沙痕朱樓黃鳥日青
草白鷺村野老能分席官軍不到門毋煩

問漁艇即此是桃源

其二

趁潮深入港風急水西流沙潤輕沾屐橋
低欲碍舟孤荅餘晚艷芳草亂春愁沙鳥
應相笑衰年尚遠遊

四月十三離上洋回華亭

垂老重來此臨分即惘然雲吞隔浦澗潮
打逆風船卜築虛求地行藏欲問天淮南
兵革後荒却種瓜田

律詩七言

送張可道赴嘉定府太守

秦中百二漢關河
曾見乘驄舊所過
棧道地形天下險
嘉州風物古來多
分符又叶三刀夢
入境先聞五袴歌
父老扶筇親引導
將軍負弩疾撝訶
錦袍錯落金為帶
白馬連翩玉作珂
興學固常俎豆防
邊還為戢干戈
四川畫省勞詢問
一郡蒼生望撫摩
樓倚青溟來萬景
山橫紫翠接三峨

題書別館魚堪寄
退食公堂雀可羅
西濁考功當第一
他山有石為君磨

題周伯溫待制為蘇老人篆七十

古來稀

天上詞臣小篆書
方今端合比瓊琚
肯將南極仙人壽
題向東牕隱者居
玉屑露凝金錯落
錦茵春暖繡英蕖
纏腰信有揚州窄
垂釣寧無渭水魚
方士曾分燒藥火
諸孫親御看花車
黃金意氣苗賓客
白髮風

神照里閭世上虛名皆寄爾人生此樂復
何如芝蘭香裏渾如畫百歲傳家慶有
餘

贈六合縣宣差伯士寧因兵亂於
滁泗之間獨縣境肅然作詩以敘
其寔

風塵千里暗淮堧六合孤城獨晏然保障
正符明主意歌謠爭頌長官賢公庭吏散
門如水驛館賓來酒似川疏水為湟成重

地迤風滅火動皇天軍需會計多雄畧兵
衛森羅摠少年興學未聞忘姐豆防邊仍
見戢戈鋌編民闢地增輸賦遠客移家願
受廛封壤遠連瓜步外妖氛不到瓦梁邊
魚鹽山市宵鳴柝米麥江橋曉泊船十邑
自今稱第一前程誰謂隔三千玉網政尔
閑明教民瘼何人解倒懸輿論已傳霄漢
上豐碑立在縣衙前

送王君寶僉憲調河南道

廣陵城下送輶車賤子無由奉尺書南嶠
幾年仍盜賊中原千里半丘墟天閑豈少
追風騎人海猶多漏網魚素有澄清天下
計更須抗疏動乘輿

寄芊希魯

白髮鏡中添幾莖江空歲晚可憐生千金
有人市馬骨一飯何處無魚羹東家娶嬾
夜宴客北里送子春朝京年當五十不得
意日送飛鴻生遠情

道士胡道玄常以一舟往來洪之
東湖其自有扁曰活死人窩為賦
此

一住行窩幾百年蓬頭長日走如顛海棠
亭下重陽子蓮葉舟中太乙仙無物可離
虛殼外有人能悟未生前出門一笑無拘
碍雲在東湖月在天

贈數學王隱居

青囊魯閱五行書客亦還知此理無太古

以前無甲子先天之後有堯夫烏官當日
總司曆龍馬于今又出圖餘子未能通許
事黃金尺可說榮枯

題赤壁圖

赤壁磯頭禿髮翁興來携酒泛秋風偶論
水月盈虛際併人江山感慨中華髮多情
傷老大皇天無地著英雄神遊八極知何
許良夜應騎一鶴東

感而作為時中生忌

夢遶南岡北嶺雲一杯無計洒松筠世間
我豈長貧者地下君為不死人夜雨自荒
張祐宅秋風誰鄣庾公塵于今友道俱凋
喪落日江湖泪滿巾

八月十六日送張仲舉至秦郵驛
是夕邵文卿置酒雲峯臺望月二
首

水驛官船晚未開月明乘興且歸臺揚州
崔怨山人去甍社珠迎國士來千里何時

重命駕百年今夕此啣杯同君盡醉交遊
地為問秦郎安在哉

二

雲峯臺上今宵月竒絕平生此一行天水
光搖秋萬頃星河涼轉夜三更謫仙被酒
騎鯨去游女吹簫學鳳鳴明發星槎上河
漢定傳詩話到蓬瀛

范時港頭生事微三月海上行人稀東沙

西沙海不熟大信小信舟當歸護巢野鵲
並枝立得食水禽何處飛無魚換酒亦謾
尔只恐丁男荒釣磯

送解伯中赴史館召至正癸未朝
廷以史事遣使起河東張先生于
廣陵明年史局開又于廣陵徵廬
陵解先生廣陵連有二盛事觀茲
榮美賦詩為別

海岳澄清又百年前朝陳迹散雲烟恭聞

天上修三史連向淮南起二賢青簡旁搜
成大典黃華迭出購遺編先生善用春秋
法豈下當時太史遷

送陳景川歸盱眙

第一山中風物殊我欲買田來卜居風林
把酒聽黃鳥雪港掛罾分白魚富貴不來
吾老矣漁樵有約子何如可能久作終焉
計北海能修薦鷄書

虎溪三笑圖

三老風流笑口開山中猿雀亦驚猜攢眉
入社謾多事送客過溪能幾迴僧影欲隨
秋水去虎聲偏傍石橋來東林絕嚮今千
載撫卷題詩愧乏才

張仲舉助教

三哥新詩竹下來多君高興憶東淮塵埃
沒馬昏歸舍風雨聽雞曉入齋此日陽城
須諫議當時方朔謾詼諧瓊之花底相思
夜酒滿春城月滿街

寄拔實尚書

憶陪冠蓋集通津
下士無由拜後塵
曾和淮南招隱曲
得從天上謫仙人
鷓鴣在列誰堪並
鴻鵠高飛不可馴
遙想退朝香滿袖
題詩還記竹軒春

送李子威赴國子監時康魯瞻亦

除監司業

曾占龍頭第一名
先生元是監諸生
樓船近向淮南發
驛騎虛從穎上迎
宣室幾年

無賈誼諫垣今日有
陽城同寅更得同年
者同振斯文答聖明

二月十二日祭長男之墓

三歲女孫方學行
牽衣隨母上新坟
青春過眼少晴色
白髮向人唯哭聲
醉裏狂歌聊自遣
夢中相見只如生
他年何處藏吾骨
不盡人間父子情

寄烏古孫幹卿叅議

紫宸奏對出班行
畫省論思晝漏長
三月

不知燒笋味一春還憶煮茶香
幾人白髮黃花酒何處青山綠
野堂扶植皇綱在今日中原草
木仰輝光

上清盧道士所藏雙龍圖

仙潭烟霧晚冥冥彷彿飛空劍
氣腥岩穴幾年當統骨画圖今
日露真形天瓢水淺陰猶伏寶
藏雲深夜不扃好就盧敖聽使
八方行兩鼓風霆

夜思

斗帳方床一布衾睡餘推枕復
長吟青燈細雨三更夢白首殘
編萬古心天上不知何歲月城
中誰信有山林哀歌坐待東方
白短髮刀騷不滿簪

環碧齋

面溪光護石苔軒墀無復有塵
埃月涵虛白浮秋去水泛空青
人座來漁釣兒孫多質朴嘯歌
鷗鷺不驚猜我家亦住滄江曲
千箇篔簹遶舍栽

蕭萬戶野雀卷子

肯著邊塵浣縞衣當時城郭是耶非自離
碧海三山去直過青城萬里飛老去揚州
空逸興何人沙苑脫危机丈夫切在麒麟
閣莫說仙家有令威

送謝芝甫山南憲

謝庭子弟多佳士荆國山川總勝遊萬里
捧書催入幕一朝撾鼓發行舟玄猿啼處
巴江夜白鴈來時楚甸秋衰漢風流千古

意為君長憶仲宣樓

和孟景章秋雨見寄

十日空齋風雨陰閉門唯計作詩淫屋茅
新補一重厚池水又添三尺深冪下家童
耽熟睡燈前山鬼聽哀吟知君剪燭方酣
飲肯信幽人獨苦心

東句曲外史張伯雨

霞珮翩翩出洞天當時彷彿見癯仙幾年
南國張公子今日西湖葛稚川滄海塵飛

丹已熟玉堂人去榻空懸林間載酒來相
覓乞寫仙經與世傳

送幹克莊僉憲調淮西道

繡斧煌煌擁使軺才名燁燁在中朝甘泉
詞客河東賦蓬島仙人海上樵風振紫山
迎駟騎雲開金斗見秋雕澄清事業須公
等桂澍淮南未易招

贈松江知事唐景友三月二十八日同茅子剛府判郭宗唐推官同

日上官

三月雲間同上日理官判府總英髦香風
又動紅蓮幕雨氣微侵白苧袍刺史燕居
邀論事掾郎鵠立看揮毫衰翁亦是淮南
客拭目青霄望爾曹

送谷君玉赴南臺御史

幾年坐嘯元戎幕一日來簪御史冠已有
声名驚海內更須風采動朝臺端星明使
節三台近霜落江城六月寒應救倒懸如水

火東南民力正艱難

題王可道同知濯纓亭

條然無限滄浪意况有出亭近水安孺子
有歌同鼓柷故人無約共彈冠通宵雲氣
侵衣潤六月波光入坐寒慚愧東華塵土
客知誰來此一凭欄

同諸公遊西城木蘭院

三月西城風日好短筇隨意踏晴沙王孫
不識蘼蕪草童子來尋狗祀芽白髮有人

中卯酒清泉無火煮春茶山扉寂、僧歸
晚落尽葶蕤一樹花

送陳子山狀元起太廟署令

天上詞臣錦作裳喜趨清廟奉蒸嘗寶刀
刻頌登彝鼎金硯揮毫撰樂章太液秋風
黃鵠下齋房明月紫芝香禮成月薦應分
胙彩服承恩到北堂

廣陵岳宮醮夜覲王滄洲高士藏
事自登瀛稿而迎師入黃籙壇

濛：雲氣濕霓旌，小隊紅綃鳳。靖明鳶雀，
舞隨行道影。魚龍出聽步，虛聲淮南高。士
青毛節，句曲仙人碧玉笙。一路天風吹不
斷，此身今夕在蓬瀛。

送董運使之江西叅政

煌煌渭節擁麾幢，父老魯期鎮此邦。合上
星辰朝北闕，且携霖雨過西江。侯門何啻
朱輪十相業，今看白壁雙嗣見。豐碑書盛
美玉堂，端有筆如扛。

送楊士先歸長安

落魄麻衣不受塵，黃金揮盡只清貧。新豐
市上酒濯足，韋曲城南花惱人。豪傑謾嗤
秦逐客，漁樵能話漢功臣。清時未老丹心
在，且把長竿釣渭濱。

九月十日自壽

余生堪歎復堪憐，喜際明時老市廛。把菊
已從前一日種桃，猶待後千年。但令有子
親書帙，莫怪無人送酒錢。寡欲清心今得

矣煉丹何用學神仙

送王君章掾史侍司衆丞督辦河防竹木軍還京

方今禹稷際昌期河水橫流適在茲十七
萬人重浚日三千餘歲再清時相君功德
丘山重天使聲名草木知為送大農王掾
史小儒歌誦入新詩

送將作同知明齋趣河防竹木事
還京

明公端有濟川才百役供需入總裁東海
神鞭驅石去南山材木蔽江來萬年砥柱
狂瀾息千里桑麻故道開昭代君臣同禹
稷直將和氣弭天災

賦崧碧為丁貞夫廉使壽

崧高雄奠白雲鄉石勢叅差面洛陽地湧
兩山通上界天開四岳拱中央丹丘煉藥
交龍虎子晉吹笙引鳳皇自是勲名同不
朽千年岩壑有輝光

阮子華所藏桃源圖

桃源流水似天台彷彿三生到此來玉杵
玄霜無覓處金堂玉室為誰開滄州一夜
生芳草陰洞千年長綠苔何必狂人秦甲
子漁人祇見兩三迴

題恭州趙子威太守平反王旼冤

獄之事是時趙子威遣除翰林待

旼也銜冤誰與雪明公公議動乾坤狂瀾

既倒迴中砥白日高懸到覆盆一代簡書
稱折獄百年冠蓋見高門承恩又上金銮
去萬歲千秋奉至尊

送芋希魯人江西憲

岸柳汀花幾送近買舟誰信客囊輕真金
百煉色不改寶瑟再調聲更清直氣猶能
唾奸佞苦心寧肯負公卿間關世道諳應
熟終保烏臺好姓名

寄菴詩為余寄菴作

此身江海即蜉蝣小住菴中五百秋萬劫
有窮唯道在八方無礙與天遊虎龍夜合
黃金鼎馮霍朝飛白玉樓暫向世間忘尔
汝一瓢春酒肯相留

嶽宮登瀛橋

疊石為橋跨兩涯只如平地入烟霞銀河
夜擲仙人杖碧海橫奉使槎浴水先迎三
島日隔闌遙看十洲花月中時有簫聲過
多是山頭聖母家

天長縣長伯顏祈雨適見白龍有感

六月天長旱為虐顏侯夙夜最憂農丹心
貫日迴玄象赤脚登山起白龍雷馭電光
驚不定岳靈雲氣出相從斯民已作商霖
望吉夢何時到九重

題山居圖

石子坡頭松兩株水光嵐氣護幽居山翁
被酒愛騎馬溪友放船來捕魚秋色自隨

黃葉老野懷常共白雲舒何時卜築如圖
畫竹下開軒更讀書

寄題上清鍾秀樓

鍾秀樓成天下稀象山弋水相因依烟云
顯晦出奇觀草木動蕩流清輝常聞仙人
騎鶴至亦有隱者乘風歸吾將從之一攬
結日送秋江鴻雁飛

瑞雪為劉芝田賦

風卷寒溪漾碧沙晚來驚見玉橫斜人間

風日不到處天上神仙解種花九地暖迴
龍有穴三山雲靜鶴無家泛舟來覓芝田
叟留作山陰勝事誇

寄謝方壺寫寄遙山古木

鬼谷陰、苔蘚斑只除猿窟伴高間月光
或在滕蘿外劔氣常留水竹間海讀內篇
消永日還將生紙寫遙山衰翁可是無仙
骨不得相從共往還

送孫從義憲史貢部

貢名書到折封開
政爾諸曹議選才
侍史閣中簾影動
尚書天上履聲來
階墀伏謁人皆喜
符牒鋪張手自裁
不有雄聲驚畫省
可無清論達烏臺

送余廷心翰林應奉

楓葉蕭蕭江已秋
吳船三日住揚州
靛菴深染青綾被
雲葉新裁紫綺裘
征驛馬嘶風滿澗
別筵人散月當樓
明年春雁將書去
人在蓬瀛第幾洲

畫魚

平生踪跡侶魚蝦
浦月山風滿客槎
曾向春盤登北鮓
更從丙穴薦南嘉
賞巷釣得留詩友
折柳穿來覓酒家
萬里江湖清夢遠
于今空對畫中誇

寄謝察院高德進憲史寄來楊友直書居竹軒三大字

三字封來墨未干
堂軒舒展對琅玕
高人
不待寵鸞換好客
多從載酒看月夜
有懷

通白下秋潮無信寄長干清臺翠栢應干
火靜想風霜卷地寒

送李唐臣調山南憲幕

潮落寒汀水欲冰酌君何惜酒如澠人吟
狗監知司馬我喜龍門識李膺爽氣九秋
橫楚澤先聲一日到江陵君行自厲青雲
志赤鷁終慙九萬鵬

程氏尋樂齋

當時美月與吟風一代高人自不同伊洛

源頭無別派孔顏心上有全功歲寒只在
簞瓢內春色還歸杖履中今日看君能到
此不須重問愛蓮翁

夜泊青蒲村

黃葉飄飄秋滿天數家茆屋更翛然溪上
老人不識字村中小兒能駕船薺菜登盤
甘似蜜蘆花紉被暖如棉此中長得無宵
警春雨扶犁學種田

河圖精舍

滎河東去幾迂移撫事令人動所思龍馬
不來吾已矣著龜多驗汝知之仙壇作記
高千古精舍明經此一時且向程門求絕
學吟風弄月有深期

胡道玄隱東湖得許旌陽鉄符珥
瘞曰名伏蛟臺道玄由廣陵入京

賦此以別

許令宮前旧卜隣鉄符傳得尚如新一彈
指内三千仅八百仙中為幾人土界風雲

迴羽節空江雷雨泣蛟神淮南他日來相
訪却惜東湖借幻塵

贈談子平者

高人不見說僧判江海同誰講子平能以
靜功窺造化每于先事動公卿君從何處
得此術我已多時聞令名今夕蓬牕聽清
論流年容與話平生

藏拙齋

青君抱朴深居處曲几筵床事幽三穴

有謀憐狡兔一巢無計咲痴鳩白雲生滿
溪前面黃葉飛來屋上頭應是此中藏大
巧鳳樓十二要添修

春日游上方寺因過別業

今日雨晴山亦佳散行聊復寫幽懷田翁
入郭買春酒野衲下堂留午齋老去任添
新白髮平生能著幾青鞋醉中天地堪衾
枕卻笑劉伶死便埋

懷方壺高士

塵湖山下足烟霞羨尔方壺道士家雨後
放龍畊綠野日中呼犬試丹砂瓊林一路
芝如草碧澗千年竹有花正欲相陪此深
隱半盃分我飯胡麻

贈茅山彭鍊師

坐對三峯絕俗緣羽衣消散即神仙幾年
大洞傳真籙十日清齋讀內篇采藥每行
青澗底散苓多近白雲邊精神鍊得如冰
雪妙入羲皇太古先

丘德輔明德齋

方寸纖塵一掃除湛然澄澈只如初本原
不昧先天理功效多從大學書池上倚筇
秋水淨月中揮塵夜窓虛修齋事業須公
等我老昏々 捻不如

夏日過萬蓬菴

愛汝東菴暑氣薄解衣盤礴坐莓苔一林
綠竹盡可數五月白蓮犹未開捉麈談禪
知獨往買魚沽酒待重来滄江日落山更

好且放輕舟緩々迴

送人歸金壇

滄洲三日北風作海氣冥々吹去舟游子
思親白雲舍主人贈尔青貂裘沙頭明月
為誰好夜半寒潮生客愁我亦輕裝待明
發掛帆槳鼓上揚州

感時傷事寄張仲舉博士

邊報紛々日轉頻彭城犹未息風塵中原
白骨多新鬼浮世黃金少故人阮籍一生

唯縱酒季鷹今日定思尊河東崔叟應相
憶落日悲笳泪滿巾

白雲軒為羅氏賦

太行山上思親日句曲峯前寫興時千古
風流無處覓一般意味少人知歸來遠道
何堪贈老去間心只自怡悵望碧天還欲
暮令人空擬惠休詩

輓呂州判

七袂高年古亦稀考之終命見天機岳陽

湖上神仙過舍衛城中長者歸門第預題
新墓表凡筵猶設旧朝衣青山埋骨知何
處落日滄江望鶴飛

題海上天妃宮因見王元吉壁間
所題詩次韻三首傷今感昔情見
於辭

昔年漕運開洋日御賜香來動香冥真籙
九朝連晝夜齋厨一月斷葷腥祠光赤現
天妃火雲氣黃占使者星沉壁麗牲嚴祀

典至今神肅在宮庭

其二

何年立廟對滄溟
合殿濛濛紫霧冥
香暗水仙毛髮古
劔留山鬼髑髏新
寢楼下瞰扶桑日
餉道遙連析木星
聖代祝釐頻遣使
徽音不日下宮庭

次李希賢述懷韻

八月邊聲草木寒
愁來短髮不勝冠
諸公莫謂王庚甫
我輩終慙管幼安
酒券如山

空好客田毛何日再
輸官蘭陵溝上松
無恙還有孤猿夜
看

登狼山醉題僧壁

白狼山頭僧卓菴
我躡飛履穿幽探
麻姑又見海清淺
女媧不補天東南
危枝如龍固矯々
怪石似虎猶耽々
興來題筆寫狂語
此身只合棲雲龕

題朱伯禮西邨草堂

愛汝西邨之草堂
囂塵不到堂中央
夕陽

欲下山更好大火未流夜已涼二履也能
來戶外小舟即遣繫籬傍豈無百榼揚州
酒與子同契歌滄浪

白雲上人悼章

八十七翁如古佛山房只共白雲居一聞
東土傳來法三枝西天譯後書劫火不燒
紅舍利冰池重長碧芙蓉青城今夜白眉
月似汝招搖出大虛

次俞紹堂見贈詩韻

幽居地僻人稀到閉戶長歌復短歌紅楸
也知秋老矣青山不到客如何茫茫天地
涼風急渺々江湖夜雨多淮泗數州消息
斷只除征鴈度關河

笠澤同倪雲林王伯純飯散過姚
大江舟中賦

大姚江頭風乍稀小陸宅前人獨歸霜楓
紅於大葉染沙鳥白似孤雲飛持螯把酒
一生足食蛤踞龜千劫非雪灘水落獨無

恙肯借老夫為釣磯

送夏君美憲使出使回浙

三入軍中只布衣至今顏面帶霜威中原
定亂劉琨老南粵稱臣陸賈歸走也暮年
空感慨使乎今日有光輝乾坤始覓王綱
正夜、星台拱太微

寄馮仁伯

七十老為吳郡客故人不必問餘生清尊
日飲尚一斗黑髮晨梳猶幾莖藏骨謾思

淮上去移家猶望越中行他年或有相逢
地可得同君覩太平

次曹新民感時傷事韻三首

其一

歲晚霜風裂弊裘
劔歌談麈一生休
牽蘿不補山中屋
挂蓆將歸海上洲
月夜拂弦彈白雪
春朝携酒看丹丘
風流誰似曹公子
華髮不知人世愁

其二

北僮老作江南客撫卷令人百感生天下
紛々何足定胸中磊々有時平滄江日暎
旌旗影紫塞風悲鼓角聲今日封侯摠年
少老來豪氣謾咄咄

其三

客來為說淮南事白骨如山草不生翻覆
幾回雲雨手登臨無限古今情長街竟日
人烟絕小市通宵鬼火明欲省先塋歸未
得懸河老淚若為傾

蔡大掾廼翁八十壽

蓬萊山下老仙翁却隱吳門水竹中生世
幾逢堯甲子高風不減漢申公繡衣坊裏
諸郎貴綠酒尊前一笑同我亦行年方七
十幾時相約問崆峒

過吳江華嚴教贈繼斷講主

斷雲老僧如斷雲無心舒卷自氤氳空山
與之結為侶遠道也甚持贈君黑夜兩從
龍聽法青天風引雁同群江湖我亦忘機

者半榻今宵喜見分

宿寧境寺

三月江南訪積翁故人同約向山中百年
刺促何為者一日高間不負公齋閣對床
聽夜雨茶堂跌坐足春風雪灘借地容吾
隱來往扁舟與子同

王仲沔隱居上虞之東聞航海北

山作寄

鑑湖春水暖生波幾箇歸航載酒過掩鼻

東山將不免傷心南浦竟如何紛紛白髮
交情在耿耿丹心老泪多安得相從天上
去玉堂清夜聽鳴珂

遇磧沙延壽寺入游贈毅劉中長老

費家洲上元公塔又見前身示見時舍利
放光成五色牡丹分供作千枝法門摠是
西來意紅藏兼傳古註詩文筆峯前松澗
下甕書藏得待吾師

送韓致用之温州教授

祖帳倒餘雙玉尊
軺書催發五雲門
喜為太府諸侯客
猶是前朝宰相孫
講座晝閑書滿屋
學田秋熟稻盈邨
遙應東壁圖書府
遲子抽毫共討論

韓致用夢鶴

疇昔相過赤壁磯
神交遺思尚依依
應從五色雲中過
還遶三株澗上飛
月色滿庭空夜帳
露華如雨濕秋衣
蓬萊山下花無

數遲子吹簫作伴歸

送智惠隱住水月禪院

放船直到栖禪處
萬頃湖心一迳開
綠澗鳥驚風落果
碧澤龍去水生苔
西巖尊宿傳燈在
東海高僧伏錫來
今夜月明清似水
太空無地著纖埃

題韓致用五雲書屋次程以文郎

中韻

看山不出草堂門
門迳蕭蕭是白雲
隱几

松風生寤夢卷簾秋水愛鸞群坐開句曲
仙人酒起讀臨川太史文後夜舵樓乘月
色賀家湖上擬尋君

寧境寺涵碧軒

老衲築軒湖上頭半間曾借數宵留自迎
紫翠千峯月簾捲玻璃萬頃秋別浦暝時
迷遠澗滄洲明處見飛鷗定回坐待波瀾
靜一點珠光夜不收

題張德長草堂二首

屋下清泉屋上山獨餘猿雀伴高閑仙家
只在松蘿外海月常懸水竹間社甕今朝
村釀熟隣翁何處棹歌還華陽真逸時相
覓聞道岩扉夜不閑

又

高人自愛山居好逸舍清溪帶雪沙浮玉
峯前常作客句金壇下即為家仙人未采
芝如草令尹將歸菊有花他日常良分半
席白頭同汝老烟霞

輓卞隱君二首

持盃前日送官航
返袂今朝哭寢堂
亂世幾人全白骨
它山何處湊黃腸
鉄岡路杳空秋草
金鹵亭荒自夕陽
有子歸來印如斗
却招魂氣返家鄉

又

死別那堪屬亂離
鄉人聞訃摠含悲
家留南國孫何恃
路隔中原子未知
石擲衣衾藏夜壑
添燈風雨泣秋帷
西風執拂昏門

路無限傷心涕泗垂

寄吳江塔院斷雲講主

華嚴杖室老維摩
願力新來示疾多
不假鑿玉加守護
毋煩天女問云何
空花境界離諸妄
珥梵音聲散百魔
海印堂中獅子座
尚容叅請重相過

寄申屠子迪僉憲

先生旧德在甘棠
故老爭留住草堂
湖上月明鷗鷺熟
山中雨過薜薇香
數莖白髮

終難變一日丹衷不可忘出處獨翁全大節
千年青史有輝光

馮安道提舉輓章

白髮交遊共七旬翩然長逝獨傷神中原
朝士無多傳太學諸生復幾人
舊業已荒吳郡宅新阡還與范公隣
伊誰傑筆書潛德一束生芻泪滿巾

簡張天民

令子已為吳縣尹先生猶是葛天民春秋

七十又八歲江海百年能幾人多士問竒
加束脯諸孫供饌斫鮮鱗荆溪旧業知無
恙白雀時來送喜頻

寄崔宗文

白髮無家七十翁一枝竹節尚西東不因
避地來吳下正愛看山入剡中
臺閣故人書信少江湖狂客酒船空
老懷無限平生意清話何時一夕同

寄王左丞

錫谷三山霖雨開。籌邊須仗濟時才。行兵
暗與孫吳合。論道多從董買來。太府上功
金作印。高堂稱壽玉為杯。將星夜々明如
月。獨向中天拱上台。

吳江華嚴寺西軒洗竹因賦詩一首

華嚴寺裡斷云師。許我來題洗竹詩。未論
竿頭能進步。且教節外莫生枝。定回獨夜
秋聲減。經罷西軒暝。色遲從此一塵無染。

著歲寒唯有此君知

春日同王仲遠偕遊松林湖之上

西望洞庭東西兩山是日寒食有感

湖上春來數往還。亂中寧放老夫閒。一百
五日又寒食。七十二峯非故山。行李只留
詩卷在。落花應怪酒盃慳。竹西拜掃知何
日。目斷歸鴻夕照間。

戊戌年避地吳門九日感懷

行年七十猶為客何處江湖著老夫黑髮
空存數莖在黃花也笑一錢無家徒活計
如鳩拙病起形容似雀癯獨把朱萸仍獨
酌酒酣不用阿孫扶

寄謝太守

君侯夙夜愛民心攜李重聞頌好音兵後
州人無菜色亂餘廳事有棠陰熊轡按部
兵車息燕寢凝香画戟深走也門墻老賓
客尚哦雲月在山林

河南陸思顏兩舉不第隱于南潯
以醫卜治生作詩贈之

長歌放浪江湖上一箇青囊肘後懸但見
王門多將相焉知市井有神仙折著獨出
先天後用藥誰從未病前自笑區々無一
技哦詩乞米度衰年

寄山陰天章寺靜默堂長老

昨日相從訪了翁妙高臺上數宵同十年
祇在分陰裏萬法都歸一點中楊子江山

仍落照越王城郭又西風阿師說法天章
上閱過人間色與空

贈李左丞

手分雲漢下天津一洗江淮戰伐塵紫氣
獨行周柱史白衣誰識李山人鋪陳禮樂
三千字保障東南億萬民戡定成功在今
日未容歸臥五湖春

命
賀王彥誠新除受浙江省左丞之

南省新堤已築沙禁城猶是舊京華山中
未識將軍楸天上新頒宰相麻紫電青霜
開武庫金符玉節擁高牙東南定亂成功
了四海車書共一家

送吳志學通州帥府副元帥

立馬狼山最上峯青天白日見英雄防邊
肯發屯田計富國兼收煮海功烽火連營
平野北樓船驪酒大江東干戈八載天應
壑笑挽扶桑早掛弓

送興沈玉泉書藥舟

一舸寬于一畝宮兩溪無處不春風遙知
蓬下觀書者即是壺中賣藥公嘯隔滄洲
聲似虎丹藏別室氣如虹平生悔不謀深
隱蓑笠何時與子同

三月十五陪烏本初同僉李希賢

祭余廷心大叅于斷崖因賦是詩

以約明年更祭云

七年苦戰守孤城食盡無人發救兵諸將

赴河同日死萬家喙地幾人生中台星折
天應泣大節堂空鬼亦驚國難未平公已
往臨風西望泪縱橫

海陵錢文憲母汪節婦卷後

白髮孀居喪亂中苦心仍與栢舟同事夫
在昔如賓禮教子于今有父風麻衣服勞
忘夜寢菜盛供給願年豐男兒餓死渾閑
事撫卷題詩意未窮

寄興聖寺琦元璞長老兼簡黃庭

英知事

太息衰年七十強
經旬留宿贊公房
上堂也趁闍黎飯
入閣仍分般若湯
華渚虹霓生雨氣
法筵龍象識天香
遙知今夕南湖月
誰與郎官共晚涼

題茅子剛虛白齋

青袍朝士齋居處
一掃淄塵萬慮忘
四壁東西凝雪色
入窻曉夜發天光
茅君為爾傳宗旨
莊子由來止吉祥
有客坐馳空熱

惱不知此地有清涼

賀顧克善授平江經歷

吳門五月看除日
喜見郎君好姓名
畫省故人持酒送
黃堂太守下車迎
百年治道隨天運
一代人才出旦評
上相憂民何以報
會將新政致升平

寄楊子尊聖寺處厚子元上人

不出空山復幾年
衲衣草座獨安禪
別峯行道諸天上
善月翻經古佛前
兵後佳期

何日共春來妙句有人傳三生彷彿當相
識目送孤鴻落照邊

贈謝太守除杭州

朝廷遣使航東海萬里南來送奎書着屐
登山良不惡分符典郡復如何李蘇事業
千年後吳越封疆百戰餘今日養民方急
務肯將徵算及舟車

寄蔡彥文掾史

鳳凰池上神仙吏却是中郎幾葉孫幙下

豈無竒計出床頭猶有異書存防秋列寨
山如戟蒸土為城鐵作門何限民間可憂
事老懷那得與君論

奉荅道林書記二首

何年飛錫度江城林下相逢眼倍明老子
豈能知藥性阿師寧獨擅詩名江風湍座
簣簞合石兩侵墻薜荔生莫把舊家無孔
笛月明吹作鳳凰鳴

其二

獅子林中夙夜緣
秋黎來往意方堅
白蓮社友須元亮
金粟如來是謫仙
淨梵六時嚴戒律
長齋十日斷葷羶
儵然古竹長松下
還許山僧醉後眠

和南宗上人高韻
就呈可庭山主詩

老去喜逢方外友
一卷瀟灑闔城野
猿掛樹窺行道山
鳥當窓候出生
空界可能容我醉
新詩一復見君情
維摩示疾今朝

起拭目街頭看太平
送陳性之崑山從事

只將從事寫前街
省檄封來自折緘
六案更須勞彩筆
一官猶未換青衫
風生海市朝持酒
日落江城暮卸驂
我未識君空悵望
恍如烟水隔仙凡

題金太醫杏林詩卷

董奉仙居不可尋
君家種杏亦成陰
禁方傳後龍歸洞
嘉果生時虎守林
不歎隣翁

來乞藥每留漁父坐聽琴年二月花如
海應是先生樹德深

奉題王左丞卧雲軒

東山雲氣盡溶溶左轄高居第幾重玩世
也為莊叟蝶濟時仍起武侯龍風簾霧箔
秋同被玉室金堂夜不封說向九江李太

白結巢休羨古時松

題朱叅政松石軒

長松落落風塵表蒼石唐唐太古心屹立

乾坤無改色扣如金玉有餘音人間兒女
天機淺海上神仙野趣深獨有奇章知此
適子孫清賞到于今

題羅成之藏柯敬仲懸崖竹

丹丘画竹出新意醉墨落紙秋淋漓青天
低垂鳳凰尾碧海倒插珊瑚枝誰家俗士
謾食肉何處高人來賦詩丹房月夕起清
思莫遣風雷生葛陂

題馬縣尹壽椿堂

綿々靈氣與天遊 日月盤旋定幾周
七十三翁同甲子 八千餘歲一春秋
欲詢齊物南華老 誰是平生馬少遊
堂下芝蘭森玉立 未容丹桂獨風流

再游金山寺

放船重到金山寺 獨對滄江照鬢絲
過客謾驚天險處 老僧曾見海枯時
通宵月色魚龍喜 絕頂秋聲鶴鶴悲
瓊樹花開不歸去 妙高臺上要題詩

題石林茅屋

春林深處石如笋 我屋正在林之西
結茅不放風雨入 種樹乃與崗岫齊
天寒白雀向人語 日暮野鳥來上啼
浣蒼老人不可作 何處客至同幽棲

題王維賢所藏盛子昭畫雙松繫

舟圖

雲門寺前風物幽 布鞵青鞋吾昔遊
葫蘆盛酒待明月 舴艋載琴當上流
長松並立

幾千尺狂客一別三千秋何當掛席過湖
去東里草堂姑少留

送却彦清之浙西憲史時有高德
晉同日應辟之江西所以詩中故
及之

西浙西江同應辟此時此會記清歡兩賢
共起諸侯幕十載誰先御史冠野寺聽蟬
秋冉々津亭維馬兩珊珊清時事業須公
等老吾山中拭目看

題俞仲桓雙林道人卷

雙林道人如霜林叅天勁木寒蕭森衆芳
到此萬葉脫元氣授爾孤根深風前猛虎
作人嘯月下清猿將子吟鐵笛老仙在何
許吾欲載酒同幽尋

宿霍沙張氏草堂

草堂借我作行窩杖履頻煩太史過滿地
白雲清晝永隔溪黃鳥綠陰多銀瓶自瀉
中山酒鐵笛誰翻小海歌今日逢君須盡

醉西家亭館奈愁何

次楊太史之韻題贈葉子澄草堂

圖詩

君家草堂林木幽乃在吳會之東頭
蒼開從今鳥雀喜水落正為魚龍憂
深林爛飲拘杞酒如意醉擊珊瑚鈎
丈夫嘉遁有如此傍人比是神仙流

送陳希文北遊

萬里中原道路長
關河環繞五雲鄉
心馳

天上黃金闕夢憶山中紫翠房
人海魚龍三月浪御街車馬五更霜
丹墀奏罷中興頌
燄々聲名動北方

題錢伯玉南園小隱

君是錢王幾葉孫
浮雲富貴不須論
丈人屋上烏仍好
處士籬邊菊尚存
招隱辭章娛日月
表忠碑刻照乾坤
明當載酒來相覓
爛醉君家老瓦盆

題楊仲德照磨自汴梁歸話中原

荆棘蔽野入烟斷絕聞復山東感
而賦此

故人歸報朔方兵已下山東七十城日月
未教烏兔死風雲方使虎龍爭入關謾爾
窺周鼎背水今誰立漢旌北望中原五千
里黃之水幾時清

重遊虎丘寺

海湧峯頭行迳微芒屨欲趨孤雲飛風高
木客作人語月出天王騎虎歸傑閣重樓

通隱見寒泉古木相因依荒丘王氣豈消
歇干將莫耶千載稀

寄題松江之青龍瞿魯夫通波草

閣詩

五月通波草閣寒綠陰長日此凭欄山如
碧鳳叅差出江作青龍左右蟠攬子燒香
雲母火櫻桃行酒水晶盤老夫亦有鶩溪
絹也欲相從看寫蘭

寒舍為偷兒見顧竊去珠環首飾

賦以自遣

太息偷兒也自頑
踰垣何意到山間
潛蹤深野開重穴
竟造中堂啓四關
獄吏肯追全壁返
家人猶望去珠還
愁來幸喜青氈在
覓紙題詩一解顏

題何德深溪南小隱

宰相官之不受招
碧梧林巷自逍遙
溪頭二月蒼光發
洞裏千年雪未消
朝士過門時載酒
仙人飛珮夜吹簫
社圖誰寫耆英

會還肯中間著老樵

寒食日松江有懷廣陵

老來也欲惜年華
春正濃時不在家
江上苦遭寒食雨
夢中猶見廣陵花
書藏舊篋應無恙
酒憶新樓不用賒
日暮荒城聞鬼泣
東風吹恨滿天涯

送秀岩上人歸日本

幾年中國遊方遍
看水看山念、非海眼
枯時千劫壞日頭
出處一僧歸黃梅
兩打

袈裟濕白蜃雲隨錫杖飛富士岩前留語
在庭松新長日禪扉

題上海靜安寺綠雲洞天為寧為
無寺之祖師鯁子和尚

滄瀆城西古道場洞天深處綠雲涼雨昏
不辨琅玕色日轉都城翡翠光春水滿溪
蝦子活午陰當戶鳥聲長華陽老家何
在擬伴高僧坐石床

別茆府判

封印歸來寡送迎畫橋門巷水同清二分
明月杯中瀉九朵春雲筆下生賓客班荆
談雅道兒童騎竹頌廉聲奚須老拙楊人
善公府爭傳好姓名

三月十日移居

山人垂老獸奔波客裏移居可奈何居竹
軒中無長物採蓮泾上有行窩幾莖白髮
梳來短千古清尊飲尚多最喜東隣王處
士閑來無事肯相過

送毛自得北遊

平原門下客三千毛遂當時獨妙年
脫穎機鋒吾已得治安籌策子何先
江淮故道蒼烟外楚漢孤城落照邊
今日送君何限意祇將忠孝足家傳

次饒介之遊東臯佳作

半雨半晴春更佳也知郭外少紛華
蠻王埠頭多載酒李家園中來看花
曲闌芳檻通隱見蒼松老竹相交加
安得長繩繫鳥

足不放西崦紅日斜

二

縱飲狂歌晚未歸松陰香霧轉霏微
醉中漫喜朱顏在頭上爭禁白髮稀
無數野蒼迎客喜一双沙鳥傍船飛
浣花溪上真堪笑每日朝回只典衣

三

草々盃盤也自佳名園今日有光華
東風淡起云漢々胡蝶飛上蕪菁花
百年酒伴

無多在一夜春愁十倍加
明朝應被傍人笑
醉裏題詩字半斜

四

不用人扶醉裏歸
水邊楊柳晚風微
一年春事又將半
三月捷音何太稀
莫倚書囊談未了
却憑藜杖步如飛
入城彷彿嚴更動
冉冉花香尚滿衣

柔艸聲乾破寂寥
青山磯下宿寒橋
乾坤

同張仲舉宿寒橋

萬事雙蓬鬢
風雨孤舟半夜潮
丹鳳不來秋又老
玉人何處水空遙
幾時更醉秦淮酒
細聽漁樵話六朝

李子英心遠亭

門外黃塵掃不開
何由吹得到靈臺
閒看倦鳥投林去
靜愛孤雲出岫來
彭澤高人多逸興
峨眉仙客有天才
祇今誰到悠然處
同采秋香共一杯

寄王仲沔御史左遷之安慶府判

詩

青驄馬鳴催趣裝日出未出江茫々但願
四海有武備不可一朝無憲綱揜搶經天
墮作石沆瀣著地凝為霜先生憂國髻未
白至今臺柏留輝光

王澹因明道堂

重闌飛構入清溟虎豹森羅戶不扃紫氣
擁闕周問禮玉光浮座漢傳經日斜海霧
侵香案夜靜天風語鐸鈴幾度澹淵來說

法泉中應有老龍聽

送袁季文之帥幕

少年書劍學從軍幙府于今氣不群白髮
元戎多好武青衫從事最能文帳前草檄
花如雨江上維舟水似雲把酒高歌成遠
別不知何處又逢君

送張士行士明訓會試

山東秋榜得豪英誰似君家好弟兄四海
賓興得兩舉七千鄉貫占多名大蘇衣鉢

都源委小宋文章更老成
明日鷓原同送喜早將春信到江城

南城暮春

南城兩盡午風和二客相從步屨過流水
陂塘春事減落花門巷晚愁多銀瓶自瀉
沙頭酒寶瑟誰調陌上歌莫寫江南斷腸
句賀郎憔悴髮空皤



